

洪憲元年二月二十五日星期五第五十號

政事堂印鑄局發行

北京東長安牌樓王府井大街
電話東局二百零一號

政 府 公 報

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購長年者收回大洋八元
 - 一外埠購報每半年加郵費洋一元
 - 一裝訂每月收回大洋一毛五分不裝訂者聽
 - 一零售每號銅元五枚以本日為限
 - 一定購一月者收回大洋八毛
 - 一定購半年者收回大洋四元五毛
- 如送報夫役私自加價請告知本局以便查究是為至要

目錄

命令

奏摺

覲見摺

內務部

內務部奏會核江西商務總會會長會乘銜病故請卹辦法可

否照薦任人員議卹摺

內務部奏道核長江巡閱使電保連破機關獲辦黨匪出力人

員張陽椿等擬請准以縣知事縣佐分別任用摺

陸軍部奏請將劉相卿等分別補授陸軍官佐摺

司法部奏彙報廣東廣西兩省死刑案件繕單請示摺

大理院奏造報一月分收結民刑事訴訟案件摺

蒙藏院奏請以烏勒吉畢里克圖承襲鎮國公爵摺

財政總長彙彙務署督辦周學熙奏請任命伊若珩等爲兩淮

板浦等場知事並懇免覲摺

審計院奏廳長楊汝梅等勤勞特著援案擬懇特予加銜摺

籌備立法院事務局長顧蘆奏本局評議撥案請改簡任

辦理國民會議摺

吉林巡按使王揖唐奏吉省各屬旗戶續報升科地畝按照前

案作爲第四結繕單請訓示摺(附單)

吉林巡按使王揖唐片奏自民國三年八月起至四年七月止

由吉林等縣續行查出民買旗產無糧田畝一律升科照章

徵租抵餉摺

靖武將軍護理湖南軍務湯錫銘奏民國四年十一月分所屬

各軍隊辦理盜匪案件執行死刑人數遵章彙報摺

湖北巡按使段雲奏鄂省防務緊要擬將道試展報舉行當

否請示摺

綏遠都統潘矩楹奏本署書記官徐壽係民國駁准知縣擬請

改以縣知事分發綏遠任用摺

綏遠都統潘矩楹奏勘明五原等四縣田禾被災應徵銀兩遵

例分別蠲緩繕單恭摺祈鑒摺

咨

籌備國民代表大會事務局咨國民代表選舉監督各省將

察哈爾都統

軍巡按使 蒙藏院總裁

州議軍使 京兆尹

省國民代表選舉監督冊報先後辦理選舉兩項投票情形

一摺業奉批令恭錄咨請查照文

籌備國民代表大會事務局咨國民代表選舉監督各省將

察哈爾都統

軍巡按使 蒙藏院總裁

州議軍使 京兆尹

省國民代表選舉監督冊報先後辦理選舉兩項投票情形

一摺業奉批令恭錄咨請查照文

內國公債局致政事堂印鑄局本局四年分發文號數開單送

請登報函

示

農商部示(續)

批

內務部批二則

農商部批

廣告

奉命令

政事堂奉

策令特授周駿以勳三位此令

政事堂印

洪憲元年二月二十四日

國務卿陸徵祥

政事堂奉

策令特授戴楨以勳五位此令

政事堂印

洪憲元年二月二十四日

國務卿陸徵祥

政事堂奉

策令特授劉虎臣閣相文以勳五位此令

政事堂印

洪憲元年二月二十四日

國務卿陸徵祥

政事堂奉

策令劉虎臣給予二等文虎章此令

政事堂印

洪憲元年二月二十四日

國務卿陸徵祥

政事堂奉

策令棍布蘇倫給予一等嘉禾章此令

政事堂印

洪憲元年二月二十四日

國務卿陸徵祥

政事堂奉

策令呂鴻文給予三等文虎章此令

政事堂印

洪憲元年二月二十四日

國務卿陸徵祥

政事堂奉

政事堂印

洪憲元年二月二十四日

國務卿陸徵祥

政事堂奉

策令輔國公海永溥海永澂侯連珠均給予四等嘉禾章此令

政事堂印

洪憲元年二月二十四日

國務卿陸徵祥

政事堂奉

策令阿齊圖班第達蘇索克圖堪布扎布揚海楚克堪布劄付達喇嘛棍桑旺兌著封爲呼圖克圖達賴默爾根綽爾濟錫呀格圖呼畢勒罕卜和伯彥封爲諾們罕堪布呼畢勒罕羅布桑丹巴扎木蘇封爲班第達此令

政事堂印

洪憲元年二月二十四日

國務卿陸徵祥

政 事 堂 奉

策 令 昭 那 蘇 圖 吉 雅 圖 恩 和 阿 木 爾 著 給 予 公 銜 封 為 頭 等 台 吉 海 永 涵 封 為 頭 等 台 吉 滿 都 克 齊 巴 圖 烏 勒 吉 達 木 柴 達 布 林 扎 卜 海 永 浚 海 永 濟 均 封 為 二 等 台 吉 此 令

政 事 堂 印

洪 憲 元 年 二 月 二 十 四 日

國 務 卿 陸 徵 祥

政 事 堂 奉

策 令 任 命 范 國 璋 為 陸 軍 第 二 十 師 師 長 此 令

政 事 堂 印

洪 憲 元 年 二 月 二 十 四 日

國 務 卿 陸 徵 祥

政 事 堂 奉

策 令 范 國 璋 授 為 陸 軍 中 將 此 令

政 事 堂 印

洪 憲 元 年 二 月 二 十 四 日

國 務 卿 陸 徵 祥

策令閣相文授爲陸軍少將此令

政事堂印

洪憲元年二月二十四日

國務卿陸徵祥

政事堂奉

策令呂鴻文特授爲上大夫此令

政事堂印

洪憲元年二月二十四日

國務卿陸徵祥

政事堂奉

策令任命沈兆祉督辦江西官鑛事宜此令

政事堂印

洪憲元年二月二十四日

國務卿陸徵祥

政事堂奉

策令陸軍部奏請揀派團附營長等缺應准以王峻閣充任陸軍第三混成旅步兵第一團團附劉有德充任陸軍第三混成旅步兵第二團團附程維垣充任陸軍第三混成旅步兵第一團第一營營長杜義昌充任陸軍第三混成旅步兵第一團第二營營長崔炳星充任陸軍第三混成旅步兵第一團第三營營長岳思寅充任陸軍第三混成旅步兵第二團第一營營長徐鳳春充任陸軍第三混成旅步兵第二團第二營營長王韞章充任陸軍第三混成旅步兵第二團第三營營長冀汝桐充任陸軍第三混成旅礮兵營營長此令

政事
堂印

洪憲元年二月二十四日

國務卿陸徵祥

政事堂奉

申令教育根本首重師資前經明令各省將師範學校整理擴充以爲國民教育之先導顧念各省學務久形減縮或因財力支絀班次不易增加或因辦理失宜成績未能優美遂致根本計畫迄難一致進行須知今日師範之優劣即將來國民教育優劣所關教授既貴精良設置尤須完備自非先從中央倡率不足以宏造就而樹楷模著教育部將京師師範學校量加擴充調取各省學生來京肄業各該省學生名額暫定爲大省二十名中省十六名小省十二名由各該巡按使選擇優等生徒分期咨送所有籌備設置一切辦法即著該部悉心妥擬奏請施行此令

政事
堂印

洪憲元年二月二十四日

國務卿陸徵祥

財政部奏多倫稅務監督周蘭田任職授官據情代陳謝悃由

政事堂奉

批令悉此令

政事
堂印

洪憲元年二月二十四日

國務卿陸徵祥

財政部奏湖北財政廳長張壽鏞奉給獎章據情代陳謝悃由

政事堂奉

批令悉此令

政事
堂印

洪憲元年二月二十四日

國務卿陸徵祥

財政部片奏江西民國銀行擬改名江西銀行並將監理官名稱一併更改由

政事堂奉

批令悉准其一律改定名稱此令

政事堂印

洪憲元年二月二十四日

國務卿陸徵祥

陸軍部奏薦任團附營長王峻閣等並請緩覲由
政事堂奉

批令王峻閣等已有令分別任命並准緩覲此令

政事堂印

洪憲元年二月二十四日

國務卿陸徵祥

農商部奏請簡員督辦贛省鑛務由
政事堂奉

批令已有令任命沈兆祉爲督辦矣仍由該部隨時督察進行期收實效此令

政事堂印

洪憲元年二月二十四日

國務卿陸徵祥

交通部奏鐵路巡警特別犯罪擬請援照內務部呈定範圍適用軍律以肅法紀由
政事堂奉

批令准如所擬辦理即由該部通行遵照并交內務陸軍司法三部查照此令

政事堂印

洪憲元年二月二十四日

國務卿陸徵祥

財政總長兼鹽務署督辦周學熙奏分發長蘆場知事鍾燿燿擬請改分四川任用由
政事堂奉

批令鍾燿燿准其改分四川任用即由該部署分行遵照此令

政事堂印

洪憲元年二月二十四日

國務卿陸徵祥

蒙藏院奏鎮國公海山請獎前在庫倫隨同出力人員及子姪等據情核擬開單請鑒由
政事堂奉

批令昭那蘇圖等已另有令明發其餘請獎各員並准如擬給獎即由該院分行遵照并交政
事堂飭銓叙局查照單存此令

政事堂印

洪憲元年二月二十四日

國務卿陸徵祥

陸軍訓練總監蔣雁行奏礮兵監監員不職據實糾參由
政事堂奉

批令奏悉署礮兵監四等監員李廣琳品行不端迹近招搖既據該總監奏明實屬有虧職守
應卽立予斥革以昭懲戒此令

政事堂印

洪憲元年二月二十四日

國務卿陸徵祥

兼任文官高等懲戒委員會委員長錢能訓奏爲依法請將本會經費准予流用祈鑒由
政事堂奉

批令准其變通流用交財政部審計院查照此令

政事堂印

洪憲元年二月二十四日

國務卿陸徵祥

步軍統領江朝宗奏報京師及四郊地面得雪情形由

政事堂奉

批令悉此令

政事堂印

洪憲元年二月二十四日

國務卿陸徵祥

署浙江巡按使屈映光奏保薦合格人員史光書等臚陳事績以備甄用由
政事堂奉

批令應俟文官甄用會成立時彙案核辦交政事堂飭銓叙局查照單並發此令

政事堂印

洪憲元年二月二十四日

國務卿陸徵祥

福建巡按使許世英奏福建水利分局局長林炳章蒙給勳章據情代陳謝悃由
政事堂奉

批令悉此令

政事堂印

洪憲元年二月二十四日

國務卿陸徵祥

福建巡按使許世英奏福建閩海建安兩道屬地方保衛團辦理完竣繕呈各項統計表
由

政事堂奉

批令悉交內務財政兩部查照單并發此令

政事堂印

洪憲元年二月二十四日

國務卿陸徵祥

將軍銜督理新疆軍務楊增新奏報署喀什噶爾提督馬福興到任日期並代陳謝摺由
政事堂奉

批令悉此令

政事堂印

洪憲元年二月二十四日

國務卿陸徵祥

新疆巡按使楊增新奏公署薦委各職人員擬請分別叙官由
政事堂奉

批令交政事堂飭銓叙局核辦此令

政事堂印

洪憲元年二月二十四日

國務卿陸徵祥

新疆巡按使楊增新奏喀什噶爾道尹常永慶奉到授官證書據情代陳謝悃由
政事堂奉

批令悉此令

政事堂印

洪憲元年二月二十四日

國務卿陸徵祥

新疆巡按使楊增新奏扎哈沁鎮國公請領俸祿銀兩已飭財政廳暫行墊發乞鑒示由
政事堂奉

批令悉交財政部查照此令

政事堂印

洪憲元年二月二十四日

國務卿陸徵祥

將軍銜督理新疆軍務巡按使楊增新奏爲阿爾泰屬新吐爾扈特密親王屬下蒙民異
常困苦擬請酌給白麪三萬觔以資度歲由

政事堂奉

批令應准給予白麪三萬觔以資撫恤交內務財政兩部暨蒙藏院查照此令

政事
堂印

洪憲元年二月二十四日

國務卿陸徵祥

奏摺

國務卿奏據銓叙局詳稱會辦京兆區域經界事宜王達應否覲見摺

奏為會辦京兆區域經界事宜王達應否覲見恭摺仰祈 聖鑒事據銓叙局詳稱准京兆尹函稱本年一月十八日恭奉 策令任命王達會辦京兆區域經界事宜此令等因應否懇由貴局奏請覲見之處希查

核示覆等因到局查覲見條例內載簡任職因必要情形得呈請免覲又因職務重要得先行就職各等語王達前在京兆尹任內曾經覲見此次奉 令會辦京兆區域經界事宜應否照章覲見抑或准予免覲謹詳請轉奏等情理合恭摺具奏伏乞 皇帝陛下聖鑒訓示遵行謹 奏

政事堂奉

批令王達著免其覲見此令

政事堂印

洪憲元年二月十八日

國務卿陸徵祥

內務部奏會核江西商務總會會長會秉鈺病故請郵辦法可否照薦任人員議郵摺

奏為會同核議江西商務總會會長病故請郵辦法恭摺仰祈 聖鑒事竊臣部等於上年十二月間准政

事堂鈔交昌武將軍督理江西軍務李純江西巡按使戚揚奏商務總會會長會秉鈺積勞病故請予優卹一摺奉 批令交內務農商兩部核議具覆此令等因奉此並准該將軍等鈔錄原奏咨送前來臣等核閱原

奏內稱該總商會會長會秉鈺任事三載平日綜持會務見義勇為凡屬地方公益靡不悉心規畫成效昭彰洵屬勤勞卓著而改革之際既能維持調度弭患保安鞏亂之時又能拱衛國家深明大義其功績尤非尋常可比茲以積勞病故自應准予給卹以獎前勞而資激勸惟商會人員如何議卹尙未辦有成案查頒給勳章

條例第六條內規定薦任官自七等起累功俱得遞進至三等語該故員前已奉 令給予四等嘉禾章在案實與薦任資格相符等公同商酌可否仰懇 天恩准予援照薦任人員病故議卹之處如蒙 俞允應請 飭下政事堂銓叙局查核辦理所有會同核議江西商務總會會長病故請卹辦法緣由是否 有當理合恭摺具陳伏乞 皇帝陛下聖鑒訓示遵行再此摺係農商部主稿會同內務部辦理合併陳明 謹 奏

政事堂奉

批令交政事堂銓叙局查核辦理此令

政事堂印

洪憲元年二月十八日

國務卿陸徵祥

內務部奏遵核長江巡閱使電保連破機關獲辦黨匪出力人員張陽椿等擬請准以縣知事縣佐分別任用摺

奏為遵核長江巡閱使電保連破機關獲辦黨匪出力人員分別擬獎仰祈 聖鑒事案准統率辦事處鈔交長江巡閱使 臣張勳電請代奏保獎獲辦黨匪出力人員一案奉 諭交內務部核辦等因奉此 臣部查近來黨徒到處潛聚勾結希圖肇亂而於瀕臨江海鐵路一帶尤為其注意滋擾之區若非各路軍隨地方官警隨時查緝懲辦極易釀成巨害此次該巡閱使遴派員探 臣部東海縣知事連破機關嚴懲首要實足以寒匪膽而銷逆謀在事出力人員克著殊勳核與詹元良等在徐州破獲機關近由 臣部奏請 特令准獎文職之案勞績正復相同自應從優擬獎以昭激勸所有原電請保縣知事之張陽椿一員既係前清知府應與原保縣佐之周讓石文讓二員一併懇請 特令准如原擬以縣知事縣佐分別任用俟奉 命下再由

伏乞 皇帝陛下聖鑒訓示謹 奏

政事堂奉

批令准如所擬分別任用即由該部照章辦理此令

政事堂印

洪憲元年二月十八日

國務卿陸徵祥

陸軍部奏請將劉相卿等分別補授陸軍官佐摺

奏為請補陸軍官佐實官人員恭摺仰祈 聖鑒事竊准泰武將軍督理山東軍務靳雲鵬咨送該行署暨軍械庫未經補授實官各員札委文憑履歷各件咨請查核辦理並請將已補實官各員分別升補以昭獎勵等因當經臣部詳加覆核除與陸軍官佐補官令施行細則規定資格不符未便核補實官各員業由臣部分別咨覆外其軍械庫理械員劉相卿謝樹玉等二員均係陸軍學校畢業現充職務已滿一年以上核與該細則第十條第一項資格相符軍法課三等課員曾琛現充軍法職務已滿二年以上核與該細則第十一條第四項資格相符又軍法課三等課員張慰萱係法政學堂畢業會充軍法官核與該細則第十一條第三項資格相符擬請將該員劉相卿補授陸軍步兵上尉謝樹玉補授陸軍步兵中尉曾琛張慰萱二員補授陸軍二等軍法以符定章理合恭摺具陳伏乞 皇帝陛下聖鑒訓示謹 奏

政事堂奉

批令准如所擬分別授官此令

政事堂印

洪憲元年二月十八日

國務卿陸徵祥

司法部奏彙報廣東廣西兩省死刑案件繕單請示摺

奏為彙報廣東廣西兩省死刑案件恭摺仰祈 聖鑒事准廣東巡按使咨據高等檢察廳詳報死刑案件劉火康等二起廣西巡按使咨據高等檢察廳詳報死刑案件廖小一等四起檢同供判清冊咨請核辦前來巨部詳加覆核各案均已審判確定尚無非常上告及再審原因謹就原判決書摘要繕附清單恭摺具陳伏乞 皇帝陛下聖鑒訓示施行謹 奏

政事堂奉

批令准如所擬執行即由該部轉行遵照單存此令

政事堂印

洪憲元年二月十八日

國務卿陸徵祥

大理院奏造報一月分收結民刑事訴訟案件摺

奏為造報巨院洪憲元年一月分收結民刑事訴訟案件附具清單表册恭摺仰祈 聖鑒事上年六月二十九日恭奉 申令京外法庭原有訴訟月報應由司法部及各省巡按使有監督司法之責者將各該法庭受理案件分別已結未結摺由彙總按月呈報用資親覽予得以周知民隱整飭官方此令等因當由司法部酌擬彙報辦法十三條及清單附表格式五紙呈奉 批令准如所擬辦理並由部咨行到院節經遵照

奏報在案茲謹將巨院洪憲元年一月分收受民刑事訴訟案件造具清單並分別已結未結摺由列表依該辦法第一條規定逕由巨院造報再此大仍因案件較多繕寫不及逾限數日合併聲明所有造報巨院洪憲

元年一月分收結民刑事訴訟案件緣由理合恭摺具陳伏乞

皇帝陛下聖鑒訓示施行謹 奏

政事堂奉

批令悉單表存此令

政事堂印

洪憲元年二月十八日

國務卿陸徵祥

蒙藏院奏請以烏勒吉畢里克圖承襲鎮國公爵摺

奏爲哲里木盟請襲鎮國公爵恭摺具陳仰祈 聖鑒事據哲里木盟盟長扎薩克多羅郡王齊莫特散岐勒副盟長扎薩克和碩達爾罕親王那木濟勒色楞幫辦盟務和碩親王那蘭格時勒幫辦盟務親王銜多羅郡王什噶布勞丕勒等咨呈稱准本盟科爾沁左翼中旗暫署扎薩克印務協理頭等台吉都楞等呈稱本年舊曆四月間據原任貝子銜鎮國公多爾濟之嫡妻僧格噶爾布呈稱中華民國二年間庫匪潛來將本夫貝子銜鎮國公多爾濟擄去並將倉中一切應用之物及前襲爵時所領誥勅一分一併搶去且將公爵多爾濟之生命殺害踪影皆無當將各情呈報扎薩克在案今本夫無嗣請以公爵本支最近族叔四等台吉阿爾畢吉呼之長子未授職烏勒吉畢里克圖現年三歲承襲多爾濟之公爵乞恩施照准茲將封軸一道呈送合併聲明等情茲照孀婦僧格噶爾布所請將已故貝子銜鎮國公多爾濟支派最近之台吉等傳來查詢據四等台吉潘岱所具甘結內稱本長子已故四等台吉愛魯布忠奈之長子未授職勒木扎布有瘡疾不能行走所有近族無嗣被害貝子銜鎮國公多爾濟之公爵以次子四等台吉阿爾畢吉呼之長子烏勒吉畢里克圖承襲勒木扎布等並無爭奪本潘岱出具情願手摹甘結等因據情呈報懇乞盟長轉咨蒙藏院核辦等語查已故貝子銜鎮國公多爾濟無嗣且除伊支派最近之堂弟烏勒吉畢里克圖之外別無應襲爵之人相應將伊

嗣台吉潘岱手摹甘結一分伊等家譜一分並該扎薩克印結一分及封軸一道據情咨送懇乞貴院轉請以烏勒吉畢里克圖承襲已故鎮國公多爾濟之爵等情到院查該貝子銜鎮國公多爾濟被害身故無嗣該盟長等合詞請以伊族弟烏勒吉畢里克圖承襲遺爵查核所送家譜甘結均屬與例相符應請准以烏勒吉畢里克圖承襲已故鎮國公多爾濟之爵是否有當理合恭摺具陳伏乞 皇帝陛下聖鑒訓示謹 奏

政事堂奉

批令准其承襲此令



洪憲元年二月十八日

國務卿陸徵祥

財政總長兼鹽務署督辦周學熙奏請任命伊若珩等為兩淮板浦等場知事並懇免覲摺

奏為遴員分別補署兩淮板浦中正兩場知事員缺恭摺具陳仰祈 聖鑒事竊據兩淮鹽運使方碩輔詳稱准准北運副歐本麟電稱板浦場知事謝希夷中正場知事周光祖均代理一年期滿請委員接辦等語自應慎選合格人員分別前往接替查有分發兩淮候補場知事伊若珩年四十三歲山東桓臺縣人前清附貢生報捐候選知縣歷辦蒙陰博興兩縣鹽務民國二年署理山東招遠縣知事因驗契出力奉給五等金質軍鶴章四年由山東鹽運使王鴻陸保薦場知事經審查合格分發兩淮任用於十月到省該員老成諳練經驗甚深堪以補授板浦場知事又分發兩淮候補場知事鄭功耀年三十四歲浙江海寧縣人歷充五河鹽釐局文案儀棧副文案並襄辦借運東蘆鹽經收事百兩浙鹽運使署課稅權運科員鹽務署辦事員四年由長蘆鹽運使陶家瑤保薦場知事經審查合格分發兩淮任用於十月到省該員學優識裕明幹安詳堪以試署中正場知事等情查本年一月八日部署奏准場知事甄別並補缺辦法案內規定分發各省場知事

各員中如有曾任鹽大使以上實缺政績素著或得賞勳章及奉 令嘉獎人員准由運使詳由部署奏請實授毋庸試署此外各員有學識優長而經驗或有未逮者一律先行奏請試署至一年期滿如果稱職再由運使列舉成績詳署奏請實授等因欽遵在案該員伊若珩係曾得勳章人員自應准予補授板浦場知事毋庸試署至鄭功耀一員既據該運使詳稱學優識裕以之試署中正場知事核與定章尙屬相符合無仰懇 天恩俯准任命伊若珩爲板浦場知事鄭功耀試署中正場知事如蒙 俞允該員等均係曾經部署請親由國務卿代見後分發人員可否准予免覲之處伏候 聖裁除將該員等履歷咨送政事堂銓叙局外所有遴員分別補署兩准板浦中正兩場知事員缺緣由理合恭摺具陳伏乞 皇帝陛下聖鑒訓示謹奏

政事堂奉

批令伊若珩等已有令分別任命并准免覲交政事堂銓叙局查照此令

政事堂印

洪憲元年二月十八日

國務卿陸徵祥

審計院奏廳長楊汝梅等勤勞特著援案擬懇特予加銜摺

奏爲 臣院廳長書記官長勤勞特著援案擬懇 特予加銜恭摺仰祈 聖鑒事竊查文官秩令第四

條內載文官在職其勞績異常者得隨時進官或加秩等語本年一月政府公報載參政院奏秘書王經佐等

勤勞卓著請予分別進官加秩內務部奏司長呂鑄等勤勞特著請予進官均經奉有 策令特予進官加

秩各在案 臣院第一廳廳長楊汝梅於民國四年一月二十七日奉 策令授爲中大夫該員掌理第一廳

事務責任極爲重要勤奮從公勞怨弗辭其參訂本院各種條例規則多所建議規畫周詳書記官長張宗彥

於民國四年八月十一日奉 策令授爲上士該員督率書記各官所夕從公機要事件辦理迅速有條不紊核其成績均屬勞動卓著可否援案仰懇 特恩俯准將楊汝梅特加上大夫銜張宗彥特加少大夫銜以資策勵之處出自 逾格鴻施所有擬請將臣際第一廳廳長楊汝梅書記官長張宗彥特予加秩緣由是否有當伏乞 皇帝陛下聖鑒訓示謹 奏

政事堂奉

批令楊汝梅著加上大夫銜張宗彥著加少大夫銜交政事堂飭銓叙局查照此令

政事堂印

洪憲元年二月十七日

國務卿陸徵祥

籌備立法院 辦理國民會議 事務局長顧鼐奏本局評議援案請改簡任摺

奏爲評議係解釋立法院暨國民會議選舉法令專員與參事司長職務相等援案擬請改爲簡任職恭摺仰祈 睿鑒事竊臣局籌備立法院事務關於議員選舉法令之解釋設有評議八人暨國民會議事務局成立依官制第三條第二項之規定該評議又兼任國民會議議員選舉法令解釋事項故評議所掌職務在臣兩局中最爲重要所有俸給叙官各辦法均比照各局署部院參事司長歷經辦理在案又查籌備立法院事務局官制第三條之規定臣局評議得就政事堂法制局蒙藏院內務部參事司長各員內遴員兼任亦經辦理在案現在各局署部院參事司長已奉 明令改爲簡任職而臣局專任評議其階次反居兼任評議之下頗有同職異階之嫌且以簡任職之參事司長顧反兼薦任職之評議於官制系統亦有未合況現在國家注重憲法機關已爲天下臣民所共見臣局等職司籌備立法院暨國民會議一切選舉法令如何解釋該評議等既屬臣局重要之員其官制上地位又與司長參事相等現在大理院推事審計院審計官均已援案奏

准改爲簡任巨同等評議任職將及一年勤勞亦復甚著擬請將專任兼任評議各職比照各局署部院參事司長及推事審計官之例改爲簡任職仍援案由政事堂銓叙局發給簡任狀將來遇有缺出應行分別補署各節均遵照前奉 明令一律請簡預保其俸給仍一律照舊支給以明系統而昭慎重亦藉以表示我

皇上尊重民意機關之至意再巨局等所設科長核其職務範圍頗與各院署司長廳長地位相當所有籌備立法院暨辦理國民會議事務均由該科長等兼營并顧歷職數年成績卓著現在評議各員既擬援案奏請改爲簡任而巨局等科長職務重要實與廳司以下之各科科長責任不同似未便聽其向隅惟一律請改簡任究與國家鄭重名器之情有違再四審度擬請 恩施特沛俯准將巨局等科長連同秘書酌量比照

薦任職從優叙等其請改簡任之評議亦仍比照彙案請叙所有月支俸額仍由巨依照薦任職月俸範圍量其資勞隨時批定統以酌就巨局預算總數開支不於官俸一項請增絲毫爲限如此辦理既足以仰副我

皇帝陛下策勵人材之盛意亦不致稍越局用經費預算原數之範圍其餘科員以次人員除辦事勤勞確有成績者由巨酌量於原領局用經費項下批給津貼外一切仍悉遵上年呈准辦法辦理是否有當謹恭摺具陳伏乞 睿鑒訓示謹 奏

政事堂奉

批令該局評議應准改爲簡任其科長秘書各員仍著按照薦任職辦理所請從優叙等之處著毋庸議此令

政事堂印

洪憲元年二月十八日

國務卿陸徵祥

吉林巡按使王揖唐奏吉省各屬旗戶續報升科地畝援照前案作爲第四結繕單請訓示摺(附單)

奏爲吉省各屬旗戶續報升科地畝援照前案作爲第四結繕繕清單恭摺具陳仰祈 聖鑒事竊查吉林

前因餉項奇絀於前清光緒二十八年舉辦民田清賦旗地升科兼放零荒以裕餉源嗣據各旗署報出原無錢糧旗地截至民國元年十一月止業經作為第三結具報升科在案茲據政務廳實業科彙報省城及三姓阿勒楚喀等處續報應行升科旗地二萬八千二百三十六畝零二分三釐遵照定章按七成折核納租實地一萬九千七百六十五畝二分六釐一毫應自民國四年起照章升科每畝應徵大租銀元三角共應徵大租銀元五千九百二十九元五角六分四釐八毫三絲均由地方官經徵報解金庫仍遵照前奉部咨成案據實開單報部免再造冊俾省繁牘又向章旗地升科經旗署報明但予升科不收價費擬自此結具報後所有旗地升科事即歸吉林省土地清丈局辦理無論旗民地畝丈出浮多一律交價升科將從前旗署升科單行辦法永遠廢止以昭劃一擬請 飭下財政部農商部備案除分別咨陳查照外所有吉省各屬旗戶續報升科地畝暨應徵大租銀元數目謹援照前案作為第四結開單奏報緣由理合繕具清單恭摺具奏伏乞 皇帝陛下聖鑒訓示謹 奏

政事堂奉

批令交內務財政農商三部查照此令

政事堂印

洪憲元年二月十七日

國務卿陸徵祥

謹將吉省各屬旗戶第四結續報升科旗地數目繕具清單恭呈

御覽

計開

一省城滿洲饒黃旗續報升科熟地十七畝五畝遵照定章按七成折核納租地十二畝二畝五分
一滿洲正黃旗續報升科熟地一百四十二畝一畝五分遵照定章按七成納租地九十九畝零五釐

- 一滿洲正白旗續報升科熟地十二晌五畝遵章按七成納租地八晌七畝五分
- 一滿洲正紅旗續報升科熟地十一晌一畝遵章按七成納租地七晌七畝七分
- 一滿洲鑲白旗續報升科熟地四十九晌八畝遵章按七成納租地三十四晌八畝六分
- 一滿洲鑲紅旗續報升科熟地二十六晌三畝五分遵章按七成納租地十八晌四畝四分五釐
- 一滿洲正藍旗續報升科熟地一百三十四晌七畝一分遵章按七成納租地九十四晌二畝九分七釐
- 一滿洲鑲藍旗續報升科熟地一百二十二晌零五分遵章按七成納租地八十五晌四畝三分五釐
- 一蒙古旗續報升科熟地二十七晌八畝四分六釐遵章按七成納租地十九晌四畝九分二釐二毫
- 一烏槍營續報升科熟地一千九百零一晌一畝遵章按七成納租地一千三百三十晌零七畝七分
- 一水師營續報升科熟地三十七晌三畝七分遵章按七成納租地二十六晌一畝五分九釐
- 一文報局續報兩路各站升科熟地九千六百四十四晌七畝三分遵章按七成納租地六千七百五十一晌三畝一分一釐
- 一布爾圖庫邊門續報升科熟地十五晌遵章按七成納租地十晌零五畝
- 一巴彥鄂佛羅邊門續報升科熟地五十二晌五畝遵章按七成納租地三十六晌七畝五分
- 一烏拉續報升科熟地一百八十一晌一畝七分遵章按七成納租地一百二十六晌八畝一分九釐
- 一額穆縣共報旗站丁戶續報升科熟地一千二百四十七晌七畝遵章按七成納租地八百七十三晌三畝九分
- 一三姓續報升科熟地四百八十六晌九畝三分遵章按七成納租地三百四十晌零八畝五分一釐
- 一阿勒楚喀續報升科熟地一千二百五十五晌七畝八分遵章按七成納租地八百七十九晌零四分六釐
- 一新城縣續報三官莊丁戶升科熟地一千零四十八晌二畝遵章按七成納租地七百三十三晌七畝四分
- 一必爾罕塔拉吉林縣等三處文報分所共續報升科熟地七百七十一晌一畝五分遵章按七成納租地五百

百三十九响八畝零五釐

一社里寧安沙蘭等三處文報分所共續報升科熟地二千零六十六响六畝八分遵章按七成納租地一千四百四十六响六畝七分六釐

一寧古台站文報分所續報升科熟地二百八十七响遵章按七成納租地二百响零零九畝

一雙城旗務籌備處續報升科熟地四响三畝七分遵章按七成納租地三响零五分九釐

一吉林縣所屬官莊壯丁續報升科熟地九响五畝遵章按七成納租地六响六畝五分

一賓縣續報升科熟地六十二响三畝遵章按七成納租地四十三响六畝一分

一扶餘縣續報升科熟地三千六百零一响三畝四分四釐遵章按七成納租地二千五百二十响零九畝四分零八毫

一阿城縣續報升科熟地五千零一十九响一畝九分三釐遵章按七成納租地三千五百一十三响四畝三分五釐一毫

以上共續報升科熟地二萬八千二百三十六响零二分三釐遵章按七折核納租地一萬九千七百六十五响二畝一分六釐一毫應自民國四年起照章升科每响應納大租銀元三角共應徵大租銀元五千九百二十九元五角六分四釐八毫三絲

吉林巡按使王揖唐片奏自民國三年八月起至四年七月止由吉林等縣續行查出民買旗產無糧田畝一律升科照章徵租抵餉摺

再查吉省前經查出原無錢糧各項地畝截至民國三年七月止業經呈報在案茲據政務廳實業科呈報自民國三年八月起至四年七月底止由吉林縣屬界續行查出民買旗產原無錢糧各項田畝應行升科地四十三响九畝四分舒蘭縣屬界應升科地六十七响二畝榆樹縣屬界應升科地八十四响六畝四分雙陽縣屬界應升科地四响以上共地一百九十九响七畝八分每响應納大租銀元三角共應納大租銀元五十九

元九角三分四釐應請自民國四年起一律升科發交各該縣註冊歸額照章徵租抵餉除咨陳財政農商部
查核外理合附片陳明伏乞 聖鑒謹 奏

政事堂奉

批令交內務財政農商三部查照此令

政事堂印

洪憲元年二月十七日

國務卿陸徵祥

靖武將軍督理湖南軍務湯薊銘奏民國四年十一月分所屬各軍隊辦理盜匪案件執行死刑人數遵
章彙報摺

奏為民國四年十一月分據所屬各軍隊辦理盜匪案件執行死刑人數遵章彙表仰祈 聖鑒事案照臣
署遵照懲治盜匪法飭知各軍隊辦理盜匪案件節經填列表冊具奏在案查民國四年十一月分據各軍隊
擊獲盜匪按照懲治盜匪法懲辦人犯計十起共二十六名經臣遵照部定表式填註清晰除照案咨陳陸軍
部備案外理合恭摺具奏伏乞 皇上聖鑒訓示謹 奏

政事堂奉

批令悉交陸軍部查照表並發此令

政事堂印

洪憲元年二月十八日

國務卿陸徵祥

湖北巡按使段書雲奏鄂省防務緊要擬將道試展緩舉行當否請示摺

奏爲鄂省防務緊要擬將道試展緩舉行恭摺具陳仰祈 聖鑒事竊前承准政事堂咨四年十二月十九日奉 申令學績試驗之道試應於明年五月以前舉行省試應於明年九月以前舉行其舉行試驗日期由各該長官酌量地方情形妥爲籌辦等因嗣又接准堂電以道試一項限期尤爲迫促應即提前趕辦遵經先後轉飭各道尹妥速籌辦並擬定試驗日期先期詳奏茲復准銓叙局將學績試驗條例施行細則彙印成本咨送前來查道試限期已近一應籌備事宜極爲繁重亟應規畫程序剋日進行庶免延誤惟自漢疆事起大兵徵調鄂當其衝荆襄接壤川湘江漢綰轂水陸防務均關緊要而如宜昌一路刻正辦理輸送日不暇給固無餘力籌及試事且一經舉行考試必齊集數千百士子於一隅其隨從之僕役趕考之商賈人迹雜遝匪徒尤易潛藏偵察愈難周密况各屬舊有考棚久經改廢今欲另擇場屋添置器具與夫監試典試襄校各官臨時之供給綜計經費不貲亦非急切所能籌備臣熟思審計擬將此項道試展緩限期仍飭各該道尹從容籌辦一俟防務稍鬆即定期奏明舉行以昭慎重理合據實具奏是否有當伏乞 皇帝陛下聖鑒訓示祇遵謹 奏

政事堂奉

批令准其暫緩舉行交政事堂飭銓叙局查照此令

政事堂印

洪憲元年二月十八日

國務卿陸徵祥

綏遠都統潘矩楹奏本署書記官徐濂係民國嚴准知縣擬請改以縣知事分發綏遠任用摺

奏爲臣署書記官徐濂係民國嚴准知縣擬請改以縣知事分發綏遠任用恭摺仰祈 聖鑒事竊查臣署七等嘉禾章書記官徐濂前充陸軍第二十鎮一等書記官因在奉省保持治安經前東三省總督趙爾巽保

以知縣分省補用並加同知銜當於民國元年二月二十三日奉 上令批准東三省都督恭錄飭知在案
維時南省知縣多已改爲縣知事北方各省文武官職仍循舊稱故該員所保雖係知縣職名實即今日之縣
知事且查原保及奉准之案均在民國初元既奉 上令批准揆諸法制當然有效似未便以其職名循舊
視作前清知縣之比合無仰懇 天恩准將該員徐禕原保民國知縣一職改爲縣知事分發綏遠任用如
蒙 俞允該員現充巨署書記官職務重要并請緩覲出自 逾格鴻施除飭取該員履歷咨陳內務部
查照外理合恭摺具陳伏乞 皇上聖鑒訓示謹 奏

政事堂奉

批令交內務部查核辦理此令

政事堂印

洪憲元年二月十七日

國務卿陸徵祥

綏遠都統潘矩楹奏勸明五原等四縣田禾被災應徵銀兩遵例分別蠲緩繕單恭摺祈鑒摺
奏爲勸明五原等四縣田禾被災應徵銀兩遵例分別蠲緩繕繕清單恭摺具陳仰祈 聖鑒事竊查前據
五原薩拉齊歸綏東勝等四縣先後詳報夏秋田禾被旱被水被凍成災當即飭行覈勘並由臣將各縣被災
大概情形業經奏報暨分咨主管部在案茲據歸綏財政分廳廳長劉瞻漢詳稱准綏遠道尹張志潭咨送飭
委覆勘被災地畝確數各項冊結連同加結轉送到廳一併覆覈無異詳請彙案辦理前來臣覆加查覈除東
勝縣原報站地蒙租不在正賦外計五原縣四成補地勘明被旱成災九分除照例蠲免六成外蠲餘四成歲
課銀一千一百二十四兩八錢一分九釐六毫八絲應請分作三年帶徵又薩拉齊縣六成糧地勘明被旱成
災七分除照例蠲免二成外蠲餘八成正銀三千一百二十四兩九錢三分九釐六毫八絲耗銀一百五十六

政府公報 奏摺

二月二十五日第五十號

兩二錢四分六釐九毫八絲應請分作二年帶徵又四成糧地勘明被旱成災七分除照例蠲免二成外蠲餘八成正銀一千三百三十五兩六錢二分七釐六毫耗銀六十六兩七錢八分一釐三毫八絲應請分作二年帶徵又勘明四成河頭學田地被旱成災七分除照例蠲免二成外蠲餘八成租銀一百七十兩五錢二分八毫應請分作二年帶徵又歸綏縣勘明渾津黑河二里三賢莊地夏秋田禾被水成災十分除照例蠲免七成外蠲餘三成米折銀五十九兩六錢五分七釐應請分作三年帶徵又勘明渾津黑河吳家莊等八圍地夏秋田禾被水成災十分除照例蠲免七成外蠲餘三成米折銀一百七十三兩九錢一分五釐應請分作三年帶徵又東勝縣所屬之郡王旗地勘明夏旱秋凍成災五六七分不等除照例蠲免外蠲餘八成九成歲租銀四千六百一十三兩一錢八分四釐九毫六絲應請分作二年帶徵又縣屬之札薩克地勘明夏旱秋凍成災六分除照例蠲免一成外蠲餘九成歲租銀五百三十七兩六錢四分二毫應請分作二年帶徵又縣屬之萬壽地夏旱秋凍成災六分除照例蠲免一成外蠲餘九成歲租銀一百二十五兩六錢八分五釐應請分作二年帶徵其五原薩拉齊歸綏等三縣在民國四年分應行帶徵歷年正耗米折歲租銀兩因本年復又被災民力未逮應請照例遞緩分年帶徵以紓民困以上勘明五原等四縣被災地畝覈與冊報總數目均屬相符除將各該縣造具冊結及印委勸結並道尹加結一併咨送財政部查覈並分咨內務部查照外所有五原薩拉齊歸綏東勝等四縣被災地畝應蠲緩正耗米折歲租銀兩數目謹繕清單理合恭摺具陳伏乞 皇帝聖鑒飭部覈覆施行謹 奏

洪憲元年二月十七日

咨

籌備國民代表大會事務局咨國民代表選舉監督

熱河綏遠察哈爾都統
各省將軍巡按使
福建貴州護軍使

蒙藏院總裁
京兆尹
川邊鎮守使

會據湖南省國民代表選舉監督冊報先後辦理選舉兩項投票情形一摺業奉批令恭錄咨請查照

文

為咨行事本局奏報國民代表大會據湖南省國民代表選舉監督冊報先後辦理選舉投票暨決定國體投票情形一摺於本年二月三日承准政事堂奉

批令並鈔原摺咨請貴監督查照可也此咨

附鈔摺一件

籌備國民代表大會事務局局長顧 釐

局印

洪憲元年二月二十二日

籌備國民代表大會事務局咨國民代表選舉監督

熱河綏遠察哈爾都統
各省將軍巡按使
福建貴州護軍使

蒙藏院總裁
京兆尹
川邊鎮守使

會據四川省國民代表選舉監督冊報先後辦理選舉兩項投票情形一摺業奉批令恭錄咨請查照

文

為咨行事本局奏報國民代表大會據四川省國民代表選舉監督冊報先後辦理選舉投票暨決定國體投票情形一摺於本年二月三日承准政事堂奉

批令並鈔原摺咨請貴監督查照可也此咨

批令交內務部查照單並發此令等因奉此相應恭錄

附鈔摺一件

籌備國民代表大會事務局局長顧 慈

局印

洪憲元年二月二十二日

內國公債局致政事堂印鑄局本局四年分發文號數開單送請登報函

逕啟者查民國三年本局所發文件號數業經查照公文程式令函請貴局登載政府公報在案茲將民國四年發文號數列單函送希即查照登載爲荷此致

洪憲元年二月二十一日

民國四年發文號數單

計開

三千二百五十二件

七百二十九件

二百三十六件

一百三十件

一百六十四件

一件

二件

函 電 咨 批 節 陳 呈

筆桿
 點翠
 漆器
 漆器
 繡品
 竹製
 體操用具
 退光漆筆架
 毛筆
 毛筆
 毛筆
 白銅墨盒
 騰寫版
 木製各項農工小模型
 粉筆
 金貝子
 銅元梅花盤 銅三台燭台 銅茶壺爐水煙袋 銅時式煙盒 銅香盒膠盒
 銅雲子吸勾 銅荷葉果盤 銅裁紙刀 銅呂宋煙盤 銅柿餅電刻壺洋
 火盒煙碗小煙盒方茶壺人字香盤酒壺等
 白銅自來水茶壺 香煙盤時花茶盤
 電花龍頭茶壺磁式水果盤 蓋荷托美人膠盒銅電鍍茶壺爐
 馬步號軍鼓銅水煙袋
 紅銅鼎爐香盒等件
 亮銅獸
 黃銅馬車燈 黑漆馬車燈
 白銅燭台
 洋式銅刀
 關帝銅象鍋爐 黃銅煤油鍋爐

李昌卷
 北京天盛齋
 四川勸工局
 老九章
 浙江金華習藝所
 上海商務印書館
 浙江第一平民習藝所
 上海大吉祥
 北京胡敦元
 湖南戴人和
 北京榮寶齋
 陳里鳴
 江蘇許季賢
 北京燕徒學校
 吉林天錫公李慶林
 武昌馮正興
 湖北姚春和
 湖北義泰恒
 北京魯記
 北京榮寶齋
 北京明隆齋
 直隸德順鐘工廠
 天津暨猿董國傑
 天津同茂盛韓延貴
 察哈爾裕和永韓守義

政府公報 示

二月二十五日第五十號

銅奶壺水罐茶壺

銅消防帽

銅潮煙袋

銅繪圖墨水盒 銅炭孟煙灰盤 銅紙煙盒

鍍銀痰桶又臉盆 銅茶壺爐及手爐等

馬步號軍鼓

鍍銀煙灰碗 法藍煙灰盒 鐵煙灰筒碗 黃銅鉛字手盤

鍍銀馬鎧及其他銅鑲器榫木等櫃椅

禮服扣帶電光鈕紫銅鈕鍍金扣等

萬壽香爐如意香爐

如意香盒琴式香盒書案銅器等

各種錫器

刺花指揮禮服刀狼牙小戰刀

鐵灣椅子大鐵匣

彈子刀大餐刀

純鋼明黃十九尺軋髮刀

鐵賽球

剪刀

剪髮擦剪

大餐刀

各種剪刀

做筆刀

京迷針

紫漆榆木躺椅

花梨木書架上下台

絨絨折椅絨絨靠椅

長方折桌勝小椅鐵式代藤面木牀

察哈爾通亨誠銅局

山東大同號

山西長盛公

湖南彭堃青

上海裕豐仁

奉天天與恒

京師第一監獄

奉天瀋陽監獄

直隸九章扣線公司

山東韓增城

江蘇花裕興

北京萬昌錫店

奉天雅軒電鍍廠

北京萬德棧

江蘇張三房

江蘇銳利公司

直隸同豐順

浙江張小泉

湖南熊春樓

山東宋永順

山東金盛和

山西黃百齡

北京高麻子

太原盛發

浙江張永浩

直隸游民習藝所

批

內務部批

前據廣東梅縣會紀綱黃均林一楨黃槐森林三元羅蔭棠陳璽源等先後稟稱該縣益壽善款案定被翻請澈底查究設法維持等情當經咨行廣東巡按使查明核辦并批示在案茲准廣東巡按使咨稱會紀綱會擇等控爭益壽堂公款前准貴部暨教育部來咨送經飭道派委會縣查辦去後茲據詳覆訊明益壽堂為曾氏獨立社團會擇等所擬將該堂存款分撥辦學及捐助善舉各辦法尙屬妥協會紀綱所呈簿據不實並匿小到案應請飭縣勒令會紀綱迅將益壽堂歷年積存款項如數交出以重公款等情到署業經批道飭縣遵辦在案除分咨外咨陳查照等因到部合行批示遵照此批

部印

洪憲元年 月 日

內務部批

據稟已悉查上海總商會前為藥業商人錢立縉纂修丸散膏丹全集陳送樣本請立案嚴禁翻印等情當經本部核與著作權律第二十五條及第二十六條均屬相符惟按之本律第三條應再補送樣本一份第五十五條第一款應補繳註冊公費五元方能註冊給照受本律之保護曾經批示在案茲既據違批補送樣本公費由該總商會轉送前來核與現行著作權法第十九條及第二十條亦屬相符自應照准補行註冊給照執照併發此批

部印

洪憲元年二月十八日

農商部批第三六七號

政府公報 批

二月二十五日第五十號

據職商楊度宋煒臣稟稱籌集股本四十萬兩在天津創辦織昌硝鹼公司並採用方傳沆所發明改良電極製造洋硝洋鹼請批准立案並給予專利等情本部當以洋硝係製造軍火原料咨行陸軍部核覆去後旋准覆稱此項原料可製危險物品稍有不慎流弊甚多茲擬具取締規則八條俟開辦時再由本部隨時派員到廠調查以昭慎重請轉飭遵照辦理等因前來查該職商等所報簡章大致尙妥應先准予立案俟公司成立再行照章稟請註冊至所請專利一節經本部按照說明書所開各項特點詳細審查並實地試驗所用電池及電極之裝置確有特長之處製成洋硝亦頗精良按照暫行工藝品獎章准予專利五年以示鼓勵填發獎勵執照一紙仰即具領陸軍部所定取締規則一併鈔給閱看合行批示遵照此批

部印

洪憲元年二月十一日

農商部獎勵執照第二十八號

製品人織昌硝鹼公司

品名改良電氣製造洋硝

前項工藝品經本部考驗合格依暫行工藝品獎章第四條第一項特獎勵之

農商總長周自齊

工商司長陳介

洪憲元年二月十一日發給

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在羣雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基隍杞賢智者日夕憂疑惟魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美列外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生釁寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以爲將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之爲期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以爲將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論爲大總統者如何賢明不過多方設法以維持現狀已爾欲求立憲以謀國家之進步南轅北轍其道無由此就將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易甚或數年而一易其開創之君非不雄才大略規模宏遠無如數傳而後法度漸弛遺澤就溷國統遂絕六朝五代之際君位直如奕棋人民蕩析離居幾於不可終日論者每舉以爲君主制病而不知此非君主制之病君主而不採用立憲制之病也世界各國政治均由人治時代晉而爲法治時代而中國政治蓋猶有數千年來人存政舉之選思前此治亂相循邦基不固國是未定厥有由來現在欲求立憲既以君主爲前提而實行君主制度尤必以立憲爲要義查東西立憲國家有強固之政府以擔負責成有穩健之議會以協贊政府上下相與之際各有一定之法令以爲運行君主總攬大權實居於調燮之地位相推相盪以劑其平英主無所增中主無所損故國家元首雖等於神聖之尊嚴而其實嘗立於政治潮流之外有政府與人民接近之事而無君與民衝突之

事國有長君固係國家之福即有時嗣君以冲齡踐祚亦不至搖動邦基世界立憲國家其政治史盡可取而覆按也我國若於決定君主立憲國體後使憲政得以實行是有數千年君主之利而無數千年君主之弊政沿革新遠軼三五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦遂人同此心同此理以相與有成使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行法治之國家即可由斯起點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之素願爲國利民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之一切弊政如沿用閹人採選宮女以及拜跪奔走繁文縟節等等又已 明令聲明概從屏棄永懸厲禁併聲明總期君主稅政悉予掃除等因開國規模權輿於此上年十二月十三日國體既定文武官吏覲賀

皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不敢避惟中國至大國事至重予以一手一足爲力幾何所望大眾同心協力犧牲一切以救國家庶足匡予不逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝爲尊榮則國家必不保即大衆如視皇帝爲尊榮則國家亦必危自今以後予與國民當共視爲臥薪嘗膽之日惟願各以國家爲重以期共濟艱難若國體既改而於政治不能整理進行不僅予無以對我國民即庶職百司亦皆無以對我國民也等語 天語煌煌羣衆感泣恭釋其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力制繁文必一洗數千年君主稅政之積弊四因國事艱難願萬衆同心協力即爲實行立憲政治之精神此項鄭重宣言求之中西史乘均所罕覩凡我國民均應一心一德仰副聖懷矧自改元洪憲以來首 頒注重師範教育及警察法規之令凡所以爲增進國民智識維持國家公安計者用意至爲深遠而整理財政實行預算制度并以 明令聲明辦事者多節一分糜費即爲國家厚一分財源并即爲吾民養一分物力等因節用愛人之訓充足表示憲政精神至於國家政務應與應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民罹水火想望治平不可必得良善者坐困閭閻狡黠者輟耕隴上率因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告
洪憲元年一月十日

大律師李焜墀廣告

本律師專以鞏固國法擁護人權鋤強扶弱爲目的現已銷假仍代理北京各級法院民刑訴訟及一切法律凡爲行有諮詢事件可親至宣內象坊橋正北河沿路西蔚公寄廬電話南局一千零三十號本事務所接洽

中國銀行廣告

本行於去年九月間派員赴滇籌設雲南分行並未開辦現在籌備各事均已停止並無對外發行之件如有冒用雲南中國銀行名義發行文件券據者本行概不負責特此聲明

籌備國民代表大會事務局通告

爲通告事本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時送登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律悉應以官文電爲準此外報紙揭載若於國民代表大會有關事件除係照登業經宣布之官文電外其或得諸傳聞或出諸懸揣苟有與法定辦法不符之處在各該報紙即無故淆觀聽之心而事關國家根本大計似未便任其訛以傳訛致與代行政院格外審慎之情有違擬請在國民代表大會籌備進行期內除國民代表大會組織法當然遵守外即組織法所未備者亦以法定之籌備機關監督機關依法發布之官文書爲準其在法律範圍內者各報章如有登載錯誤之處即由各監督轉飭地方官署隨時查明更正等因復於上年十月十六日諫電將上項辦法通電各監督長官又於上年十月十七日篠電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明 大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自演事發生後竟有假託本局名義或其他箇人名義捏造電報送登各報者閱之不勝駭異查本局電報上年十月間既已通電聲明以依法發布之官文書爲準此項捏造電報係在原呈所謂不在法律範圍內者之列亟應通電再行聲明應請各監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調查審查其舉辦時期確在國體請願事件尚未發生以前各該初選區域但有舞弊違法之事本局無不立予依法糾正全案多已載諸政府公報豈能指爲預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文牽義爲本局詬病者觀過知仁則本局執行法律之苦衷即可以拘牽而證明其尊重而謂本局敢於法律範圍以外有所行動耶現在各省各特別行政區域

籌辦國民代表選舉投票各項實在情形業准先後咨報冊報到局本局當即隨時分別彙報有案是法定全國國民代表之如何依法選舉如何依法投票辦理者既非一人舉行者復非一地監督本各有責任籌備亦初無成心法律範圍始終恪守檔案具在事實難誣未容以杯弓蛇影之談疑及於畢雨箕風之好除通電聲明假託本局名義登簡人名義所登非法電報係屬捏造或由各報紙傳聞失實所致應依上年十月十六日本局通電由各監督長官轉飭地方官署查明更正外特此通告

●三年及四年公債利息二月撥款妥存銀行

購三年及四年內國公債票諸君請鑒本年二月分利息各十二萬元共二十四萬元現已收到並存於中國交通兩銀行登列公債利息項下預備屆時提撥特此奉 聞

大中華帝國海關總稅務司內國公債局協理安格聯謹啟

●經界局經界學校招考廣告

本校隸屬經界局因養成經界職員起見特招本科及特科學員各五十名授以高等測量學及經界必要知識特科投考資格中學校畢業會習過各省陸軍測量學及工業專門學校土木科二三年級課程具有測量及數學根柢者本科投考資格曾在中學校畢業者各學員考取入學所有在學中學費膳費住宿費實習費等均由校中供給特科學員每人更月給膏火十元以資津貼畢業後一律歸經界局任用考試地點北京經界局上海大同學院考試時期三月一日至三日有志投考者請付郵票十三分向以上兩處領取詳細章程及報考書可也報考二月二十五號截止

●中國銀行分派股息廣告

啟者本行民國四年營業決算業經核定擬具分配淨利辦法陳由 財政部核准應即查照招股章程分派股息計商股每一股應分正息七釐又分給紅利七釐共合一分四釐其在去年十一月以內繳足股本者從優算給半年紅利十二月以內交足股本者從優算給三個月紅利茲定於本年三月初十起在本行各分行號發給凡入股諸君希即屆期各持本行換股單就近向各分行號查驗相符後領取正息紅利是荷特此佈 達